

永樂大典

卷七千七百二

永樂大典卷之七千七百二

十九庚

京

北京

地理通釋北京大名府漢屬魏郡後周置魏州唐置天樞軍後唐建鄴都曰興唐府晉建鄴都曰唐晉府後漢曰大名府唐曆二年升為北京正統曰班陽宋史地理志慶曆二年建大名府為北京宮城周三里一百九十八步即真宗駐蹕行宮宋會要仁宗慶曆二年五月詔曰相色設都所以因地形之勝者方展我所以考民風之宜乃眷魏郊實當河麓席萬盈之懿兆冠千里之上睨隱然北門壯我中夏洪惟聖考順駐瑯與宮館並存威靈如在緬懷凝烈有述於李思嘉愷後來敢忘於時邁載恢舊制崇建別京懋昭善繼之猷仍與維新之澤大名府宜各為北京先朝駁蹕行宮正統以班陽為名其修葺行宮屋宇並給官錢毋得科率六月十七日以樞密副使右諫議大夫任中師高修建北京使翰林學士尚書禮部郎中知制誥史館修撰蘇紳為修建北京副使七月十二日以北京行宮門為順豫八月十七日出內藏庫錢十萬修北京行宮

永樂大典卷七千七百二

閏九月一日詔比建北京以備巡幸其供備之物宜令有司辨置毋或擾民三年二月六日北京行宮便殿為靖方七年六月二十一日置北京留守司御史臺神宗熙寧八年十二月九日賜內外城門名南河門曰景風南博門曰牙嘉朝城縣門曰安流朝城羅門曰翼齊冠氏門曰華景冠氏羅門曰春祺上水關曰善利北河門曰安平北博門曰耀德魏縣門曰寶成魏縣羅門曰利和觀音門曰安正觀音羅門曰靜方下水關曰永濟左右四廟凡二十三坊永寧延福靖安惠安宜春敦信安仁善化七賢大安德教宜春崇化三市普寧廣利長樂景行景明鳳臺延康福善保安王海崇寧四年七月丁巳京畿四面置輔郡以澶鄆許三州升襄邑為拱州是為四輔景祐元年三月升鄆州節鎮詔曰周制九畿蓋專案內漢設二部實陪京師相宅浚都夾右榮園爰稽扶翊之義參頌防遏之兵皇祐五年十二月壬戌以曹陳許鄭滑州為輔郡隸畿內置京畿轉運使至和二年十月己丑詔京畿毋領輔郡范仲淹謂洛陽險固而汴為四戰之地太平宜都汴即有事必都洛陽可漸廣儲蓄繕治宮室宋強祠部集代王君貺尚書北京謝上表臣某言云環封千里開府萬兵坐制北方據非其地班條云始負愧于中中謝載惟全魏之區遐控強胡之境洪河襟帶於其左朝

野咽喉之所衝。自罷郡以置都。常擇人而作弄。地望茲重。朝會愈艱。曾好
兩府之印章。方付北門之管鑰。授之近侍。誠曰曲恩。伏念臣少也。短能。初
無遠業。先朝親試之。次勝。南冠首叨於甲科。臺省回翔。藩維偃息。犬馬之
年尚壯。鴻鴻之序徧揚。蒼鬢嚴塗。颯頽空食。嶺嶺中山之一道。兼提反郡
之十城。尤幸匪才。適丁無事。日常安枕。歲幸更書。未瞻天日之清光。敢圖
省錄。又之消塵之素效。何所甄陞。就昇別京。帝公秉制。仍加冢宰之秩。以
示邦人之榮。比蓋伏遇皇帝陛下。神造曲成。乾綱獨運。擬法官之新治。念
仁廟之舊臣。特踈夤章。俾尸旬服。敢不刻求。民瘼。蒐講武經。謹駭河防之
虞。豫嚴邊瑣之備。報償恩施。猶知今日之能為。獨立功名。豈獨少年之所
慕。云云。又代魏公北京謝上表。獨當一道。尚容擁燭於微才。兼拊連城
寔恐難勝於重任。華班寬詔。深愧厚恩。中謝伏念。臣風力不強。器能寔淺。
致身妥識於枉道。接物唯存於至誠。朝廷非繁於重。輕將相。輒更於出入。
且所臨皆割精神。已耗於當年。而其得過多。疾病遂索於今日。方載勦飛
之翼。少安舊集之林。南爾涉春。遽然易地。大稱全魏之部。北控強胡之疆。
比維水害之稍平。茲尚民流之未復。冀蘇疲俗。爰屬老臣。願無患術。以安
人。慮乏威聲。之服膺。始懇辭而弗獲。訖冒處以爲慙。比蓋伏遇皇帝陛下。

永樂大典卷七十七百一

二

政在圖新。任先求舊。持自清衷之所求。不惟勉力之弗堪。敢不蒐講武經。
道宣利澤。殘軀龜勉。僮偶立於事功。齊旨丁寧。庶弗孤於器使。劉公是先
生集魏京詩。并序。上二十年。始建北京。以章明先帝巡守之德。以達孝思
于下。于時野之處士。或相與議曰。蓋文王都豐武王都鎬之間。不能數百
里。文武之位。不過侯伯。而詩人乃以聖人之德。天子之事。歌之。有如聖朝
德位相侔。述作相繼。而無通駿。烝哉之詩。此乃處士之罪。非公卿之過也。
乃考聳謨辭。以繼大雅。垂之無窮。其文曰。皇作大都。大都維維。奄定北
國。四方來同。皇曰卿士。在昔聖考。祇適文武。維慈幼老。天監在上。既有明
德。乃命于下。罔有不服。匪允命之。亦章慶之。匪允服之。亦保育之。特維猷
猷。侮予之體。靡度靡虞。跳呼以狂。業業烝黎。載震載驚。使魏及瀆。群心不
寧。帝奮厥武。首萬其士。匪怒以赫。于三十里。如虎如貔。如霆如雷。靡有遠
適。天子其來。天子其來。止士增其喜。孰偷其生。以不奮與。軀之渾渾。振之責
責。靡有轉張。砥砥鯨鯢。或獻其寶。或請其命。帝振于旅。維時既定。屹屹魏
土。山河之固。匪山河則固。維上帝伊怒。既闕爾弓。既橐爾矛。撥抗臣止。四
方是休。皇曰卿士。聖考之德。允于孝思。孝思維則。爾示魏以作我。都。以
赫厥靈。俾使勿踰。皇曰卿士。維帝特功。特亦維人。維冠萊公。爾填爾止。獨

永樂大典

卷七七〇二

欽依北平立為北京合設衙門官制。禮部與多官人議來除欽遵會同各部都察院通政司大理寺等衙門官議得合設北京留守行後軍都督府。北京行部并屬司及北平府改為順天府官制仍舊北京國子監北京所屬生員仍照舊制赴京致試上等送國監中等送北京國子監讀書北京行太僕寺并知印吏典名數及行移定式本年二月初三日本部官同各衙門官具本覆奏。

欽該都准議除北京留守行後軍都督府合設正官左右都督及都督同知都督僉事行移兵部銓除及銷除北平布政司北平按察司北平都司經歷司官制并附屬合設衙門官制行移禮部拘銷鑄換印信外前項衙門除順天府官員品級照舊外其餘衙門官員俱照在京官員品級及照在京刑部戶部所屬北平清吏司都察院所屬北平道俱合改為北京清吏司北京道再照北京既照在京設置北京留守行後軍都督府北京行部監寺所擬各衙門官吏知印致滿俱各照依在京官吏知印致滿事例一體致喪點陟及照資格出身衙門官制。

北京留守行後軍都督府 經歷司 首領官經歷一員都事二員吏提控二員掾史六員典史二十四員吏禮房各二員戶兵刑房各四員工房

永樂大典卷七十七百二

四

三名承發二名勘合科二名架閣庫一名知印一名
北京行部 正官尚書二員侍郎四員屬官吏曹清吏司郎中一員員外郎一員主事一員都吏一名令史一名典史二名戶曹清吏司郎中一員員外郎一員主事一員都吏一名令史五名典史十名禮曹清吏司郎中一員員外郎一員主事一員都吏一名令史一名典史二名兵曹清吏司郎中一員員外郎一員主事一員都吏一名令史三名典史六名刑曹清吏司郎中一員員外郎一員主事一員都吏二名令史六名典史十八名
工曹清吏司郎中一員員外郎一員主事一員都吏一名令史二名典史四名照磨所照磨一員檢校一員司吏一名典史四名司獄司司獄一員獄典二名勘合科典史二名架閣庫吏一名知印一名 北平府改順天府官制品級依舊詳天字北平行太僕寺改

北京國子監祭酒一員司業一員監丞一員典簿一員屬官博士一員助教二員學正一員學錄一員字牒一員

上京

羅泌路史夏后氏紀命豎亥步經大章行緯暢于八極方以爲國十國而有長長有師五長而一師師五十國州十有二師州有

牧牧有師于上京遼史上京臨潢府東漢遼東郡西安平之地新莽曰北
 安平太祖取天祥別魯等三山之勢于蕭甸射金鼓箭以識之謂之龍眉
 宮神冊三年城之。名曰皇都天顯十三年更名上京府曰臨潢涑流河自
 西北南流遼京三面東入于曲江其北東流為按出河又有枯河沙河黑
 河潢河鴨子河他魯河狼河蒼耳河輞子河臚胸河陰涼河結河鴛鴦湖
 與國惠氏湖廣濟湖鹽澤百狗澤大神淀馬孟山鬼兒山野鶴山鹽山鑿
 山松山平地松林大斧山到山屈劣山勒得山唐所封大賀氏勒得王有
 有墓存馬戶三萬六千五百轄軍府州城二十五統縣十上京太祖創業
 之地負山抱海天險之以為固地沃宜耕植水草便畜牧金穀一前二百
 年之基壯矣天顯元年平渤海歸乃廢郭郭建宮室名以天贊起三大殿
 曰開皇安德五鑿中有歷代帝王御容每月朔望神辰忌日在京文武百
 官並赴致敬又於內城東南隅建天維寺奉安烈考宣簡皇帝遺像是歲
 太祖崩應天皇后於義節寺斷腕寘太祖陵即寺建斷腕樓樹碑馬太宗
 援立晉遣宰相馮道劉煦等持節具函薄法服至此冊上太宗及應天皇
 后尊號太宗詔著部。並依漢制御開皇鼓闕承天門受禮因改皇都為上
 京城高二丈不設敵樓幅員二十七里門在東曰迎春曰鳳兒南曰順勝

水樂大典卷之七十一

五

西曰金鳳曰西鳳兒曰南福其北謂之皇城高三丈有樓櫺門東曰安東
 南曰大順西曰乾德北曰拱辰中有大內內南門曰承天有樓閣東門曰
 東華西曰西華此通內出入之所正南街東留守司衙次監獄司次南門
 龍寺街南曰臨潢府其側臨潢縣西南崇孝寺承天皇后建寺西長泰
 縣又西天長觀西南國子監監北孔子廟廟東節義寺又西北安國寺太
 宗所建寺東齊天皇后故宅宅東有元妃宅即法天皇后所建也其南具
 聖尼寺統歸院內省司趨院瞻國省司二倉皆在大內西南八作司與天
 雄寺對南城謂之漢城南當橫街各有樓對峙下列井四東門之北潞縣
 又東南興仁縣南門之東回鶻營回鶻商販留居上京置營居之西南岡
 文驛諸國信使居之驛西南臨潢驛以待夏國使使驛西福先寺寺西宣
 化縣西南定霸縣縣西保和縣西門之北易俗縣縣東遼遼縣周廣順中
 胡嶠記曰上京西樓有邑至市四交易無錢而用布有綾錦諸工宦者輸
 林伎術技坊角觥儒僧尼道士中國人并汾幽薊為多家大中祥符九年
 薛映記曰上京者中京正北八十里至松山館七十里至崇信九十里至
 廣寧館五十里至桃家寨館五十里至咸寧館三十里度潢水石橋旁有
 旣州唐於契丹嘗置旣樂今渤海人居之五十里春和館度黑水河七十

里宣化館五十里長泰館西二十里有佛舍民居即祖州又四十里至臨潢府自過崇信館乃契丹舊境其南荒地也入西門門曰金德內有臨潢館子城東門曰順歸北行至景福門又至承天門內有昭德宣政二殿與德廬皆東向臨潢西北二百餘里號涼淀在饒頭山南避暑之處多豐草抵地丈餘即有堅冰祖州天成軍上節度東遼右八部世沒里地太祖秋獵多於此始置西樓後因建城號祖州以高祖熙烈皇帝曾祖莊敬皇帝祖考簡獻皇帝皇考宣簡皇帝所生之地故名滅高二丈無敵棚幅員九里門東曰望京南曰大夏西曰波山北曰興國西北隅有內城殿曰兩明奉安祖考御容曰二儀以白金鑄太祖像曰黑龍曰清松各有太祖微特兵戈器物及服御皮氈之款存之以示後嗣使勿忘本內南門曰興聖九之門上有樓閣東西有甬樓東為州解及諸官廨舍綾錦院班祇儀著漢渤海三百人供給內府取索東南橫街四隅有樓對峙下連市四東長霸縣西成寧縣有祖山山有太祖天皇帝廟御執尚存又有龍門黎谷河山液泉白馬獨名天梯之山水則南沙河西液泉太祖陵鑿山為殿曰明殿殿南嶺有膳室以備特祭門曰黑龍東偏有聖殿立碑述太祖進德之事殿東有樓立碑以紀太祖創業之功皆在州西五里兵衛志太祖建

皇都于臨潢府太宗定晉晉生石敬瑭來獻十六城乃定四京改皇都為上京有丁一十六萬七千二百全史地理志太祖武元皇帝天輔六年春建上京曰會寧府為上京其遼之上京改作北京先是女真之初無城郭止呼曰皇帝寨國相寨太子莊至是改為置三省六部尹貳曹屬仍令左丞相陳王兀室撰女真字以行 金之壞地封疆東極吉里迷兀的改諸野人之境北自蒲與路之北三千餘里火魯火曠謀克地為遼右旋入秦州濼盧大所沒界壕而西經臨潢金山跨慶桓撫昌淨州之北出天山外包東勝接西夏逾黃河復西歷葭州及米脂寨出臨洮府會州積石之外與生羌地相錯復自積石諸山之南左折而東逾洮州越藍川堡循渭至大散關北並山入京兆絡商州南以唐鄠西南皆四十里取淮之中流為界而與宋為表裏繫遼刺建五京置十四總管府是為十九路其間散府九節鎮三十六防禦郡二十二刺史郡七十三軍十有六縣六百三十二後復盡升軍為州或升城堡寨鎮為縣是以金之京府州凡百七十九縣加於舊五十一城寨堡關百二十二鎮四百八十八難真祐興定危亡之所廢置既歸大元或有因之者故凡可考必盡著之其所不載則闕之上京路即海古之地金之舊土也國言金曰按出虎以按出虎水源於此故

名金源建國之號蓋取諸此國初稱爲內地天眷元年號上京海陵貞祐二年遷都于燕削上京之號止稱會寧府稱爲國中者以遠制論大定十三年七月復爲上京其山有長白青嶺馬紀嶺完都魯水有按出虎水混同江來流河宋瓦江鴨子河府一領節鎮四防禦一縣六鎮一舊有會平州天會二年築堤丹城池後廢其宮室有乾元殿天會三年建天眷元年更名皇極殿慶元宮天會十三年建殿曰辰吾門曰暉天眷元年安太祖以下御容爲原廟 朝殿天眷元年建殿曰教德門曰延光復殿曰書衣書殿曰稽古又有明德宮明德殿熙宗嘗享太宗御容於此大台所居也 涼殿皇統二年構門曰延福樓曰五雲殿曰重明東廡南殿曰東華殿曰廣仁西廡南殿曰西清次曰明義重明後東殿曰龍宮西殿曰奎文時今殿及其門曰奉元有泰和殿有武德殿有薰風殿 其行宮有大興殿文刺水之地也有混同江行宮 大廟社稷皇統三年建正隆二年姓原廟天眷元年以香亭名天元殿安太祖太宗徽宗及諸台御容香亭考太祖所嘗御之所也天眷二年作原廟皇統七年改原廟乾元殿曰世德正隆二年毀大定五年復建太祖廟 與聖宮德宗所居也天德元年召之與德宮使更名永祚宮睿宗所居也光興宮世宗所居也正隆二年命

永樂大典卷七千七百二

七

吏部郎中蕭孝忠盡毀宮殿宗廟諸大扶解第及儲慶寺。及其趾耕墾之。大定二十一年復修宮殿建城隍廟二十三年以聖果其城有星武致擊。建校射之所也有雲錦亭有臨濟亭爲龍鷹之所在按出虎水側會寧府。下初爲會寧州太宗以建都升爲府天眷元年置上京留守司以留守帶。本府尹兼本路兵馬都總管後置上京曷懶等路提刑司戶三萬一千二。百七十善歲貢奉玉魚大定十二年罷之又貢猪二萬二千五年罷之東。至胡里改六百三十里西至肇州五百五十里北至蕭興路七百黑東南。至恤品路一千六百黑至易縣路一千八百里縣三會寧倚與有同倚置。有長白山首嶺馬紀嶺初野波綠野波有按出虎河又古作阿木嶺有混。同江涿流河有勝陀國古忽土曠曠蠻太祖嘗師之地也曲江初名鎮水。大定七年置十三年更名宜春大定七年置鴨子河北盟錄女真世居混。同江之東長白山鴨綠水之原名曰何木火又曰阿芝川涿流河阿骨打。建統改曰皇帝寨至寶改曰會寧府上京元史上都路唐爲奚契丹地金。平契丹置恒州元初爲扎刺兒部兀魯郡王營幕地憲宗五年命世祖居。其地爲巨鎮明年世祖命劉秉忠相宅於桓州東涿水北之龍岡中統元。年爲開平府五年以開庭所在加號上都歲一幸焉至元二年置留守司。

永樂大典

卷七七〇二

五年升上都路總管府析津志 刺幹耳果者即世祖皇帝之行在也
 聖上巡幸上都者蓋亦以行國賦民力其聖慮周知非實以消暑為事也
 此故老相傳獨異乎今特所聞蓋過此口漢兒山有界限名觀山萬里
 如砥元鄭考昭穆庵類纂上京行幸詞 群山如畫列層城佳氣溱陽此
 上京四野穹廬環魏闕三宮仗馬擁寬旌 明德城南萬騎過御天門下
 百官多蕭韶九奏風雲會嵩岳三呼景泰和 宮草葱茸拂檻青苑中
 鹿自和鳴雲遣仙才銜環珮日暮君王幸榜清 宮樹行行密覆牆雨餘
 沙淨碧雲涼錦衣花帽金鞍馬練仗紅旗火道光 紅雲霧霧撲襟毛紫
 鳳翩翩下綵條武士承宣呈角觥近臣侍宴賜珠袍 近西穹帳是青宮
 瑞霽祥雲枕日紅寶扇初開顏似玉金輿方駕氣如龍庫集道園學古錄
 泰定甲子上京有感次韻馬伯庸待制 翰音迎日載儀羽集雲路寂寞
 就書閣老大長郎署為山望成岑織錦待盈度我行起視夜星漢非改處
 題黃晉卿上京道中紀行詩後 少陵入蜀路崕崎故有淒涼五字詩
 供奉翰林隨草筆惟應同調不同辭 送衣伯長卷從上京 日已蒼涼
 映赭袍時巡母乃聖躬勞天連閣道廣留筆星散周廬夜燭素白馬錦鞵
 來窈窕紫駝銀鑾出蒲萄從官車騎多如雨祇有楊雄賦最高吳禮部集

永樂大典卷七七〇二

八

次韻張仲舉助教上京即事 海波填碧湧金菴當日經營得俊髦周鼎
 卜年開帝業漢都作鎮奠神皋宮中雙鳳朝扶輦帳下千牛夜拭刀萬國
 會同時肆觀衆星遙共北辰高 大駕特巡鎮北庭皇風萬里暢威靈有
 年太史仍書雨卜日祠宮已祭星白草黃雲秋漫漫未極翠樹旣冥冥南
 歸却作濼陽夢應是平生舊所經 翼翼行都歲幸臨名王諸部集如林
 馭車滿載彤庭帟寶馬高馱內府金蕃散歌呼紫水上夜騰光氣黑山陰
 世皇謨畧真宏遠共感湛恩到骨深 虎賁猛士羽林兵綠紉宮垣帶雉
 城土冷水泉長凍泣天低星斗倍光精穹廬區脫雲彌野馬潼醜醜雪到
 麟巷北卷南歌吹雜依應儒館自書簾 聖主恭勤服瀚衣頻年羽獵罷
 連圍金華勸講延髦士紫旆親祠却定妃調鼎有功神化密扣闥無事諫
 書稀高秋八月特巡幸還與都人候六飛 孔鸞欲翅大盤迴延閣寫崇
 際後閣四海宣文千載仰兩生接武一時來袖書共啓緘金匱持筆行登
 視草堂努力深期報知己明時肯負出群才 陰山分脉自崑崙朔漢輝
 延迤北門遙見馬馳如牧地特運水草似漁村穹廬教勒秋風曲青墩輝
 增夜月應今日八荒同一宇向來遺徽不須論 兩都賦意入經營今日
 奇封有此行弟子絃歌臨壁水諸公篇翰出承明恨中高閣祥雲色暮裏

空齋舊雨聲，千里相望芳間訊。追攀無路若馬情，亭障連山入青蔭。憶
 車如雪漫沙場，雕盤天際秋雲白。馬去關東草木黃，獨客應憐冠戴楚。聞
 慈無奈管吹毛，歸來若度桑乾水。莫忘并州是故鄉，灤水紫雲草滿川。
 皇都佳氣鬱浮天，端門高映雙龍闕。馳道中容萬馬羈，群后承恩歌湛露。
 從臣待詔賦甘泉，更聞所過編租稅。田野清平樂晏然，題黃晉卿應奉
 上京紀行詩後。居庸北上一千里，供奉南歸十二詩。紀實全依太史法，
 懷親仍寫使臣悲。牛羊野澗依風草，龍虎臺高樹羽旗。奇絕茲遊陪禁從，
 不才能勿愧栖遲。王沂伊瀆集上京詩。離宮金碧鬱岩光，抵隔灤河一
 水遙。知是上林來進果，鈴聲隱隱轉山腰。黃金布地寶陳新，香澤蕃芬
 洗佛牙。甘露穴中遺舍利，神光五色瑩無瑕。曼衍魚龍雜冗儀，金仙奉
 降鳳城時。都人稽首瞻雕筆，漠漠祥雲護彩旗。白面王孫家五陵，朝回
 新賜香毛鷹。金溝芳草公堤綠，蹀躞花駘驕不勝。龍繡衣薄怯新涼，銀
 葉烟消換夕香。休盡脩發開雙綠，柳風吹淡漢宮黃。滇池細馬四蹄風，
 白玉雕鞍繡結繁。爭把珊瑚鞭指點，飛塵先入建章宮。鈇播罕下散燈
 圓，萬榻高僧夜叱雷。明日皇家賜醮燕，秋雲漠漠恍光開。輶轡金井促
 晨粧，珠帽紅靴小作行。爭向銀床拾梧葉，夜來秋意到長楊。黃須年少

永樂大典卷七千七百二

九

羽林郎官錦纏腰，角觥裝得雋每蒙天一笑。歸來賜從亦輝光，龍沙白
 草望參差。首看蒲桃記種時，待詔詞臣已華髮。梨園休奏玉交枝，又和
 魏伯特灤京秋興薇垣書事二首。秋着龍沙白草纖，周廬擊柝令霜嚴。
 珊瑚鐵網枝應老，仙掌金莖露又添。馳道驚車四豹尾，天門虎士盡虬髯。
 仙郎持纛歸來早，馬上尋詩吏隱兼。宋本至治集上京雜詩。西關輪輿
 多似雨，東關帳房亂如雲。後仁門道人寂寂，太平樓上客紛紛。塞垣蔬
 茹黑谷茶，芸菜葉子芍藥芽。誰與南人話櫻筍，北人曾住浙江涯。寫廬
 畫甍繞周遭，五月燕語天窓高。草盡泉枯營帳去，來年何處定新巢。卧
 龍岡外有人家，不識江南早稻花。種出碛中新，東賈晨炊頓飯連沙。
 平原細草綠迢迢，十脚穹廬二丈高。羊角風來忽撒去，干霄直上似盤鴟。
 衣中流濕著重重，澤似江干梅雨中。却憶錢塘池館曉，沈香新火小薰籠。
 太平生齒日豐隆，藉畫朝河百里松。紅染墻屏朝日麗，黑侵衣桁憲
 煙濃。少年跌宕學秦英，以資為郎隨馬行。醉倒花樓歌扇底，土鉤閣外
 夜吹笙。雨聲繞斷日光出，黑津如縑撥不開。羸馬巡簷行踉蹌，柴車攀
 杖斷東街。駒除蹴踏駛驄騰，寶鞍華鞵後雄翎。燕散彤宮皆貴近，碎聲
 如雨宰金鈴。柱頭方板赤砂符，植立高城兩快盧。善况浮圖驚霹靂，河

香不辭三乾富。韓琦使酒忽生嘆。打殺隨龍小幸臣。詔獄奏成呼五伯。
歡聲如海頌明君。曠凍徹泉地噴起土膏。春動消成窪。千條萬條壁縫
拆。十家九家屋山斜。破除離索酒千鍾。到處追歡似夢中。盡日笙歌亂
巷北。初更燈火跌樓東。御筆圍路接柴塲。草地誰分燒帳房。細筋入腦
野鶴俊。旋毛在。腰官馬良。鷹房脫奏罵。鴉過清枕鑿與出。禁廷三百海
青千騎馬一特。隨色向涼陞。金脊銜酒馬乳酒。瑛帽竿送羊頭神。千兩
官車盡南轉。歸期迎咲問良辰。地易之金臺。集送危助教分。監上京。驛
馬涉大河。堅冰若平地。雪霰在酒髮。顏色漸憔悴。迢遞出恒趙。遙邁入燕
薊。幸託君子交。情親不相棄。囊余屢就宿。下榻辱延致。諄諄味道言。情匪
骨肉異。振鐸趨雍宮。胄子夙尊畏。適從甘泉幸。兼理赤城營。我獨增煩憂。
中夜不能寐。崎嶇數千里。欲盡平生意。忽如參與尚。令人發長喟。都門候
迴轅。浙浙秋風至。伍良臣詩上京。龍岡秀色常青青。年年五月來上京。
上京城闕連幽陰。長夏炎日涼風生。平沙遠塞曠萬里。旣車走燕羅群星。
特巡王會騁雄俊。控撫荒朔綏邦寧。錦鞍合香千萬騎。寶鏗曼絳鏘鳴。
駝峯馬漣美奇絕。金蘭茉莉香輕盈。緬懷昔日爭戰地。豈謂今作邦畿城。
鉄竿屹立海水竭。卧龍飛去空冥冥。上都看山石龍岡。宮闕對之半寫至。

永樂大典卷七十七百二

平列直北諸王畢會。金蘭花葉綠如紫。紫菊花大如五色。紫葉綠潤可愛。
俱在上都。舊為龍州。諸大傳十古而視之。龍之去水竭。上到宮室。立此播
平於湖西。以龍之。音凍馬乳也。曹子貞詩上京次王繼學韻。觀光千
里外。載筆五雲邊。計拙如工部。文雅愧謫仙。沈沈思洗耳。懷祿敢畜涎。疾
目昏如霧。衰髮白勝綿。當辭天祿閣。歸種汶陽田。枕日登山夜。秋風下瀨
舡。芝香雲滿地。龜鶴不知年。張仲舉說。蒼集上京即事。滌河東出水。紫
迴臺坂曾岡擁。樓閣金柱鎮。龍僧呪罷玉。與馭象帝乘來。中天星斗朝黃
道。塞漢雲山繞紫臺。欲傲兩京為賦頌。白頭平子愧無才。又送韓與玉
游上京。萬里雲烟渺莽中。野營星散草連空。龍門水合爭秋雨。鷺泊沙
明下夕鴻。自昔築臺思郭隗。何人薦賦識揚雄。特憇衰年憶回首。韶
爽冷朔風。許有壬詩和閑閣宗師至上京韻二首。建統天下奠皇都。聖
祖神功曠世無。灑水清浮金闕動。蹄林精射錦雲鋪。自降蕃華蟠頭近。深
愧盤空鷲影孤。却望居庸南去路。瘦田茅莖香荆湖。炎夏襟喉控兩都。
兩都形勢漢唐無。垂衣已定千年治。封事仍求萬字誦。肯駁盡闕雲氣合。
瓊樓天迥月輪孤。太平禱贊無兼。猶幸人間有五湖。又如上京驛
騎年年徧兩京。但慙無賦繼張衡。出城便與青山會。涉世惟催白髮生。新

雨烟蕪皆秀色。嫩涼寒樹已秋聲。尊空客散都亭遠。恰是思家第一程。
又次上京 望望龍岡樹。行人欲解鞍。百年燭角戰。三仕鳳池春。富貴人
難欲。驅馳老。豈堪預知。今夕夢的的。到江南。陸天錫詩。上京即事。一派
蕭韶起。半空水。精行致玉屏。風。諸王拜舞。千官賀。齊捧葡萄。兩宮。上
苑。綠七百尺樓。天風搖曳紫絨鉤。內家宴罷無人到。面面珠簾夜不收。
中官作隊導官車。小樣紅靴踏軟沙。昨日內家清暑晏。御羅涼帽揜宮花。
行。致。參差翡翠光。珠衣珠帽宴親王。紅簾高捲薰風起。十六天魔舞袖
長。大野連山沙作堆。白沙平地見樓臺。行人禁地避芳草。盡向西欄斜
路來。院院翻經有呪僧。垂簾白晝點酥燈。上京六月涼如水。酒渴天厨
又賜冰。祭天馬酒洒平野。沙際風來草亦香。白馬如雲向西北。紫駝銀
羗宴諸王。紫塞風高弓力強。王孫走馬獵沙場。呼鷹腰箭歸來晚。馬上
倒懸雙白狼。牛羊散漫落日下。野草生香乳酪甜。捲地旋風沙似雪。家
家門帳下毡簾。秋來寒襲紫毛衫。牒覺東窓
酒尚酣。門外日高晴不得。滿城濕霧似江南。

中京

遼史中京大定府。唐為營州。夏屬異州。周在幽州之分。秦郡天
下。是為遼西。漢為新安平縣。漢末步美告之。幅員千里。多大山

水樂大典卷七千七百三

十一

深谷阻險。足以自固。魏武北征。縱兵大戰。降者二十餘萬。去之松漠。其後
拓拔氏乘遠。建牙於此。當饒樂河水之南。溫淪河水之北。唐太宗伐高麗。
駐驛於此。部帥蘇支從征有功。美良可度。率衆內附。為置饒樂都督府。咸
通以後。契丹始大。奚族不敢復抗。太祖建國。舉族臣屬。聖宗常過七金山。
土河之濱。南望雲氣。有郭郭樓閣之狀。因議建都。擇良工於燕蘇。董伎二
歲。郭郭官掖樓閣府庫。市肆麻蕪。擬神都之制。統和二十四年。五帳院進
故奚王牙帳地。二十五年。城之。實以漢戶。號曰中京府。曰大定。皇城中有
祖廟。景宗承天皇后御容殿。城池湫濕。多鑿井泄之。人以爲便。大同驛以
待宋使。朝天館待新羅使。來賓館待夏使。有七金山。馬孟山。雙山。松山河。
統州十縣。兵衛志。聖宗統和二十三年。城七金山。建大定府。號中京。統縣
九。轄軍府州城二十三。草創未
定。丁籍莫考。可見者一縣。

五京

郡縣志。至德二載。十二月。置鳳翔府。號為西京。與成都京兆河
南太原為五京。後罷京名。冊府元龜。肅宗寶應元年。詔曰。五都
之號。其來自久。且以京兆為上都。河南為東都。鳳翔為西都。江陵為南都。
遼史。兵衛志。遼建五京。臨潢。吳丹。故壤。遼陽。漢之遼東。高渤海故國。中京

漢遼西地自唐以來契丹有之三京丁籍可紀者二十二萬六千一百善
 漢轉戶為多折津大同故漢地籍丁八十萬六千七百契丹本戶多隸官
 帳部族其餘善漢戶丁分隸者皆不與焉儀衛志國仗太宗兼制中國奉
 皇漢武之儀文日主後嗣因之旋頭豹尾馳驅五京之間終歲動輒輟迹
 相尋民勞財匱此之故歟新唐書北狄傳渤海為東國地有五京以爾
 慎故地為上京其南為中京鐵竈故地為東京沃沮故地為南京高麗故
 地為西京**玉京**唐李翰林詩天上白玉京十二樓五城注齊賢五帝經云
 播自是神仙窟何必區區訪玉京
相見上京東漢書申屠蟠字子龍太尉黃瓊
 六七千人互相談論其有及蟠者唯南郡一主與相酬對既別執蟠手曰
 君非聘傲如是則相見於上京矣蟠勃然曰始以子為可與言也何意乃
 相揚教樂貴之徒
受事上京太平廣記王法進好道術一日有
 仙骨歸心精誠不忘於道故我迎汝受事於上京也并仙
尊戴中京宋史列傳吳越國王錢
 俶因振衣而去

永樂大典卷七十七百二

十二

來親提教殊尊戴中京畧有兩浙之土田討平一方之僭逆
翼翼神京宋王與鈞藍縷素質同知啓煌煌樞冕運

籌既付於子房美翼神京莫枕仍資於公旦
延譽兩京元雲龍文藻動諸國講土為

緇林之美馳聲六詔抑增鄉里之榮
高麗三京隋書列傳高麗王湯遣使詣闕
 使朝貢不絕其國東西二千里南北千餘里都於平壤城亦曰長安城東
 西六里隨山屈曲南臨洪水復有園內城漢城並其都會之所其國中呼
 為三京北史高麗傳其王好脩宮室都平壤城城南唯積倉儲器備寇賊
 至日方入固守王別為宅於其側不常居之其外復有園內臣及漢城亦
 別都也園中耕田三年米史以新羅為東州樂浪府統東京百濟為金州
 金馬郡統南京平壤為鎮州統西京最勝總之凡三京四府八牧郡百有
 十八縣鎮三百九十州島三千七百

東市稱京西漢書食貨志王莽特東市稱京

乃觀于

京詩為公劉篇乃觀于京逝彼百泉瞻彼溇原迤涉南崗

依其在京詩大雅皇矣篇依其在京使自既疆

詩為公劉篇乃觀于京逝彼百泉瞻彼溇原迤涉南崗

蒲輪赴京

羅泌路史發揮神帝先家篇右蒲輪而赴京之也

而後息也

景山與京

周末春秋詩定之方中篇望楚與堂景山與京注景則京以正方面也

地固之京曰京曰景山名

如坻如京

詩如坻如京注坻水中之高地京高丘也

困

京

管子輕重篇丁桓公曰鞞賤寡人恐五穀之歸於諸侯寡人欲為百姓萬民族之為此有遺乎管子曰今者夷吾過市有新成困京者二

家君請式壁而聘之桓公曰諾令行半歲民間聞之舍其業而為困京以蔽菽粟五穀者過半

憂心京京

詩正月篇

念我獨兮憂心京

莫之與京

左傳懿氏卜妻敬仲其妻占之曰吉是謂鳳凰于飛和鳴跄跄有馮

之後將育于姜五世其昌并于正卿八世之後莫之與京後魏高貴年十歲父坐訕詩繫獄桑新獲申遠近歎曰此子英英貴顯之後莫之與京

燕京山

淮南鴻烈解凌出華嶽維出履舟浴出燕京燕京山名也

吐

京郡

晏元獻公類要吐京屬縣石樓後魏置吐京郡即漢土軍胡地故曰吐京水經云在河東路隰州石樓縣

王配

于京

詩下武篇三后在天王配于京上京錫京也劉公是先生集王配于京賦以王配于京世德作京可謂大故天作明德世有哲

王續乃祖之休烈配于京而溥將三后成功達孝思而維則四夷面內知聖德之無疆且昔者群稚紛爭五季昏或惟我藝祖自天生德力揖讓以興治外征伐以宣力武節旣逝怙惡者喪其巢盛德日新為善者得其贖於是餘孽未靖神宗作求躬一戎以歸獸曠百王而繼罔正朔所加蓋罔有於不服封禪之禮猶未皇乎幸脩克成大勳用集先帝丕顯元德發明王制上則升中於天下則作程於世故創業如彼之艱難守成若此之艱哲豈非文武並用而治亂隨時明聖不同而述作相繼者哉宜乎世濟厥美王配于京實對越而在上茲適駿有聲亦何必道上古之書希成康之治語鴻荒之事慕先帝之名且夫漢恩深浦而易豐憲慶著明而不昧故王在京而善繼帝在天而克配豈獨下武之什歌周發於丕承同禪之靈美姬公於哀對且上方法太祖之武以平叛繼二宗之文以永圖越無名之為篤遠茲世之于于因斯謨之則何貴乎周賜考於往者將孰先於

永樂大典卷七千七百二

十三

裸將于京

浚都客有起而頌曰於皇上天輔景鑠考有赫天子恢聖作考祗適祖考垂矩矱方萬有千歲永欽若考

詩文王篇命此文王于周于京注言天既命又王於周之

于周于京

詩文王篇既士庸敏探將于京注周之宗師也

京曰嬪于京 詩大明篇來嫁于周曰嬪于京

永樂大典卷之七千七百二

永樂大典卷之七千七百二

十四

永樂大典

卷七七〇二

重錄總校官傅郎且高拱

學士臣胡正蒙

分校官沈馬臣林燠

寫書官王簿臣沈清

圖點監生臣馬承志

臣吳燠